


KWABUSE BWA MUSETO WA NAKO

 Ni bata ku zibahalisa fa kuli litapelo za mina li alabilwe, mikopano sina ye ne lubanga ni yona sina ha Ne ni kala sapili mwa bulumiwa, myaha yemiñata kwa mulaho. Na li kuna . . . Ne lu palelwa fela kuinisa sicaba. Ni kuba ni libaka zende mwa mafulo ni lika zeñwi kaufela, ze ne kaba zelikani kwani ka sili kiloko, kuli sicaba sibeteñi. Ne ba kwalanga minyako, kusina ku ba lumeleza kuli bakene. Ne lu sa ba ngi kwani kufitela ka sebene. Mwabona? Neli fela likitikiti ze zwa kai ni kai. Fela . . .

2 Mi Na nga masihu a ketalizoho a mafelelezo mwa mukopano wa mafelelezo, ni kuya fela fa Linzwi, bakala kulemuha mata ao Linzwi ne li nani. Mwabona? Kakuli, Linzwi ki Mulimu. Mwabona? “Kwa simuluhu nekuna ni Linzwi, Linzwi nali ku Mulimu, mi Linzwi neli Mulimu. Mi Linzwi a ezwa nama mi a to yaha ku luna.”

3 Cwale, Maheberu 4 ibulela kuli, kuli, “Linzwi la Mulimu li buhali kufita mukwale o lozizwe kafa ni kafa.” Mwabona? “Linzwi la Mulimu li buhali kufita, mane li punya ni kwa makauhanelo a lisapo, ni ku pumaka, mi li lemuha milelo ya mwa toho, ni pilu.” Mwabona? Lani kona, Linzwi la Mulimu.

4 Mi haiba kuna ni mpo ya ko lukona ku ikatulusa luna bañi; mi Linzwi, Kasibili, yali yena Kreste, Yali yena Linzwi, litaha ku luna, ni kulemuha milelo ya mwa toho, sina ha mu i boni. Mwabona? Ha ki bunde ni boo. Mi, kubona sa Na ezize ni mwa Na lu fuyolezi! Mi cwale ni . . .

5 Kuli, Ni ikutwa kuli, ni yahe Linzwi lani ka masihu amane, ni kutuhela fela sicaba siine ka kukuza, mi ni kuikatulusa fela, mi Moya o Kenile uka biza sicaba ni kueza lika mwahala sicaba.

6 Mi cwale, la mafelelezo manzibwana, la Sunda yefelile musihali, Ne ni boni iliñwi ya mibamba yetuna hahulu ku ze Ni kile na bona mwa America. Mwabona? Ne bali . . . Ne ni lumile Billy kwani ni makadi a mwanda, ni Gene a mwanda, ni Leo a mwanda, mi Roy a mwanda, neli fela kufa makadi kaufela, neli a mianda ye ketalizoho. Mi cwale kasumulaho bamano bona Linzwi li ba kena hande, ni bona se Likona kueza, mi baina hande ona fa Linzwi fani cwale, ku ba tisa kwa pili. Mi Na bona baana ni basali ba yumba milamu yabona, ni zeñwi cwalo, ni kufoliswa ba si ka fita mane ni kwa katala, ku to bona fela. Mwabona? Linzwi la Mulimu ne se li ile kale mwahala bona, kwande mwa libaka zani, ni ku i cocomezwa ili Lona mwa Mañusa a ketalizoho ani, kamba Mañusa amane, mwa lipilu za bona, kufitela ba Li lumela ka lipilu za bona kaufela. Mi, taba fela yene bana ni kueza, ki kuba ni swalisano nyana cwalo, mwabona, nto

yeñwi, mi neli buniti. Mi ba sa to fita fela fa katala fani, ne ba foliswa ona fani fa katal- . . . ba si ka fita kale fa katala mane.

7 Na lumela, mizwale mo, mina kaufela mwa muziba Muzwale Ed, Muzwa Ed Hooper. Nji cwani? U zwelela kwa Arkansas, kulo kwani nji? Na katani. . . Na li ni na mwa linako za makalelo za bulumiwa. Na ize, “Ye ibonahala linako za kale,” a bulela, “mo ne ba ezezanga lika, lilimo za kale.”

8 Mi nekuna ni batu bene bana ni litombo za mambongola bene bali—bene bali sina *cwalo*, ba to kuya hande, inge ba iketile. Libofu, boshushu, limumu, mifuta yalika kaufela yeo Mulena luna na ezize. Mane nekusina neba kuswala sicaba. Linzwi ne li ikela fela inge lieza musebezi.

9 Mi Mulena anifa Liñusa le Ni tabela kubulela kwa keleke, nako yeñwi, ha Ni ka kuta, hanita fumana sibaka. Ni mutu ya patehile maswe. Cwale Ni swanela kufunduka hape, kamuso, ni libelezi musizana yo kuli atahe. Mi mane Ni si ka nga kale neba putumende yaka mwandu, nekuna ni mutu mwani. Mi ha Ni si ka ina kale fafasi kuzwa nako yani, mane. Mwabona? Ha ni si ka ambola kale neba ni lubasi lwaka kuzwa fo Ni tezi. Mwabona? Mi ki—ki nto yekatalisa luli. Mi Ni kupa litapelo zamina kaufela lifiwe kuna, nina, kuli Mulena ani tuse ku ni buluka.

10 Cwale. . . [Hakuna manzwi fa tepu—Mu.] Mubone muzwale wa luna fa, luli, wakula luli, ya lobezi fa kambeta ka. Mi luna. . .

11 Kuna ni ya taha, mwa nako nyana fela, ku luna, kuli lu ye kwa Louisville. Ni bata kuli muhupule mwa tapelo, hape, kalibe yomunde, kuli, mane ha si ka fita kale fa myaha ye eitini ya kupepwa. Ki limbile, mi ki musizana wa Mukreste mwa sikolo. Mi basizana babañwi ne ba ambola ka yena, mwa ziba, basizana bababeli, ni ku ba bulelela mo ne ba inezi, siemba sa bupilo se ne basina, ni mo ba lukela kupilela sina basizana babañwi ba basiyezi. Mi musizana alimuñwi akona ku li sinyaka fela. Haili yomuñwi yo yena nana ni kufilikana, mi aikutwa bumaswe luli ka zona, mi zwelapili fela kuya kusili, ni kuicambaelela fela kwa mulaho, mi usweli kubilaela ka zona. Mi mafelelezo una ni kulyangana mwa toho. Mi bona. . . U mwa sipatela sa baba takana. Bomahe ni bo ndatahe bataha, hanyinyani fela, kuzwa kwa Crandall, Indiana, ku ya sibaka sa lipuluki sani ko balika ku mu luma, kwa Madison, kamuso.

12 Cwale, mu—mu musizana, hakuna ze sinyehile mwa mubili wa musizana. Una. . . Hakuna mane, ka butu. U iketile handende. Kono kinto yetata ku itatulula. Mi mane haikoni ku taluseha. Kinto mañi yeo, moya wa hae u yambaezi. Mwabona? Cwale, una—una ni kuswala moya wa hae ni ku ukutisa mwa sibaka. Mwabona? Kuna ni. . .

13 Sina, kona lu sa feza fela kubulela fa, lisunda nyana zefitile, ka mo mulao wa batu ubelekela. Kuli mane kuna ni maikuto a ketalizoho ao mukena mwa mubili ka ona, mi hape ni tunzila

tuketalizoho mo lukona kutubizeza. Tunzila tuketalizoho, to—to tu cwale ka, kunahaniseza, ni zeñwi cwalo, ki ze lukena mwa moyo ka zona. Mi cwale ha lu kena mwa moya, mwani ku na ni fela nzila iliñwi, mi yeo ki ka kulata kwa luna, ye lutoma hape sina mutu mwa na bupezwi.

¹⁴ Wakona ku I amuhela, kamba wakona fela ku I tuhela i ikele. Wakona ku amuhela Krete kuba Mupulusi, kamba ku Mu tuhela fela aikele. Kono u sa li kwa Kota yani, yona ya Bupilo yani mi yeñwi ya lifu. Mutu yapila kaufela utomilwe fapila Kota yani, kamba Mulimu na kaba wa ketululo ka kukubeya fani, mi cwale kusina kufa yomuñwi kolo ya—ya kuketa ku zende kamba zemaswe. Mi mañi ni mañi wa luna una ni kolo yani.

¹⁵ Hape, ku zeo, ki moya, lwakona ku foliswa, ha lukoni kufoliswa. Cwale, ha ki kuli hakuna . . . kuli ha lu si ka foliswa kuya ka Mulimu. Lu cwalo. Kakuli buitamo habuna litamo za milao. Mi U lekile kale foliso yaluna. Kabakaleo, foliso yaluna ki—ki ya luna. Ki ya luna. Cwale, ki kuli lu ka amuhela nzila *ye*, ku i lumela; kamba nzila *ye*, ka ku sa lumela cwalo. Cwale, kuna ni fela nzila iliñwi yeo lukona kukena ka yona fa Pila Mulimu.

¹⁶ Cwale, mwana yo, kiyomunde, ki mulikana bomahé. Na, mawi . . . Oh, mi na banga alimuñwi wa balikani baka ba basizana. Neli kalibe nyana yomunde, na hulezi mwa lapa la milao sakata ya ba Nazarene, musizana yomunde nde luli. Mi una ni muuna yomunde ya latwa. Na mu ziba, ni yena, handende luli, yena mushimani ya mu nyezi. Mi fela ki yomunyinyani fela . . . Ba uta bana bani kuli ba sebeleze Mulena, ni kubaisa kwa sikolo. Mi ne ba na ni mibisi hande ku Krete, isi kueza lika ze fosahalile. Kono zaya ona cwalo.

¹⁷ Fa pumulo fela, inge fela ha Ni . . . talimile fa nako nyana yefitile, ni kutalima mushimani yomunyinyani, yanani nto yeswana luli, ona cwalo. Mi kwa . . . Ne luile kwani nako yeñwi busihu, ku Muzwale Wright, mi Orville nali fela—fela mwa ziyezi yetuna luli. Mi yena, mwa ziba, ha na lika ku ni leleka mwa ndu; mulikani yomunde cwalo sina Orville ni Na mo luinezi, ka bunde fela inge mo Ni kona kubela ndate kuyena. Ne ni nyalisize bondatahe ni mahe, hamoho. Mi ne ba tulaka fela ni kuhuwa, “Zwa mo! Zwa mo! Zwa mo!” Mwabona?

¹⁸ Cwale, sene lu na ni kueza neli kukena mwa nzila ya moya ni kuswala moya wa mushimani yani. Mwabona? Maswabi amatuna na keni kwa pilu ya hae yenyinyani. Ki mwanana, mi na sa boni zeñata hahulu. Ni ku mukutisa fela kwa sibaka kwa na lukela kuba. Mwa bona? Mwa mazazi a likani, na li—na li ya iketile.

¹⁹ Cwale, yeo kinto yeswana yemuna ni kueza ku se. Ni si boni, mi Ni ziba kuli ki niti. Kono cwale, fela . . . Na—Na kupa kaufela mina kuli mulapele cwale, kuli—kuli Mulimu a ni tuse kufumana musizana yomunyinyani yoo. Kwani mwa sibaka, koo asa zibi

kuli ukai, ni ku mutisa ku mukutisa mwa sibaka sa hae. Ona nzila yani yetaha ka tumelo. Mwabona, hakoni kuba ni tumelo kayena anosi. Ha zibi kuli ukai, kamba sika kaufela. Mwabona? Si—si na ni kulwala tumelo yaluna mo.

²⁰ Mi cwale, ku sani, ona mata a zuho ya Kreste ani, A lufile kolo yee. Kwani ki kona, wena, ka nzila iliñwi, Linzwi la Mulimu li taba muezalibi. Mi lina ni kuya kufitelela kukutaza kwa Linzwi ko kusweli kuezahala. Kona hane Ni bata kubulela hanyinyani kakusasana cwana lu si ka lapelela kale bakuli. [Hakuna manzwi fa tepu—Mu.]

²¹ Mwa hupula pono, ha ki kale hahulu, yana ni file Mulena, mwa ziba, ka za kubona Neku leliñwi? Mwa hupula kakusasana wani hane Ni sweli kufa bupaki ka kubona Neku leliñwi? Kihande, yani neli niti.

²² Mi katengo ka babizwa *Voice* ka Baana Ba Pisinisi ya Evangeli ba ñozi mutende, ni kubeya siswaniso kwa mulaho wa buka kwanu. Mi kuna ni zeñwi ze bañozi kwatasi fa, siemba nyana fafasi fa, kubulela ka za bulumiwa. Kanti, ye ki pampili ya linaha za kwande mwa mishobo yemiñata yeshutana. Mi ne ba beile likepe la fa pata, mi yapili, fa pono yani. Mwabona?

²³ Mi Ni na ni zona kwanu, mi Ni lakaza kuli kambe ne mu ka nopa iliñwi, mi ne mu ka ibala. Mi kunanuha. . . Ne ni sa zibi kuli kukaba babaka mo, mizwale, kakusasana cwana. Mi mina, cwale, haiba mupalelwa kufumana iliñwi, kihande, mutahe fela kwa ofisi. Bana ni zona kwa ofisi kwani. Mi ba lu lumeleza kuba ni sikwata sa bona, kaza kuli: “Muzwelepili kuikataza.” Mwabona? Mi kona fela ze li mwa pilu yaka. Ze Ni kona fela ku utwa, kikuli, “Zwelapili kuikataza.” Mwabuse fela bwa—bwa nuka kuna ni—ni Naha yende. Mi ha lu zweleñipili kuikataza kufitela lu yo kopana mwa Naha yani.

²⁴ Cwale, Ni sepa bana ni kulo fa kuneelwa kwa mbututu wa Muzwale Stricker ni Kezeli Stricker. Kona kuli. . .

²⁵ Mwana yo seli wa bukai cwale, Kezeli Stricker? [Kezeli Stricker uli, “Sikisi.”—Mu.] Seli limbututu ze sikisi. Ki lubasi lolunde luli.

²⁶ Mi kacwalo bao. . . neli bahasanyi baluna ba linzwi mwa—mwa Africa, nako nyana yefitile, kuli ba yo kuta. Mi bana ba bona kaufela isali banana. Mi Ni bona yo kuli, hape, habanze bamutisa cwalo kakusasana cwana kwa sebelezo ya kuneelwa.

²⁷ Teddy u inezi kai? Teddy, taha kwanu fa piano, fa muzuzu fela, mwana ke? Mi—mi ha lubeñi ni pina yaluna, pina nyana, mwa iziba, pina yenyinyinyani yani, Na lumela, lu opelanga yani, *Mu Li Tise*. Kana ku cwalo? “Mu litise kuzwa mwa masimu a sibi.”

²⁸ Mi kona, ze lu lizezanga ye, kakuli luna, ni zelukona kaufela, bashemi, ki ku ba tisa kwa kuneelwa. Lu ba neela ku Mulena

ni ku ba kenya mwahali ha ba sa li limbututu, kuli basike ba keluhela mwa simu ya sibi. *Mu Li Tise*. Ki fo halu . . . Kana wa i ziba, Teddy? Ha lu opeleñi fela timana iliñwi ya yona cwale.

Li ti se, li ti se,
Li ti se li zwe mwa sibi;
Li ti se . . .

Haiba kuna ni yomuñwi, kupalañi, a mu mutise ni yena.

Mutise bana babanyinyani ku Jesu.

Li ti se, li tise,
Li ti se lizwe mwa masimu a sibi;
Li ti se, li ti se,
Kutisa ze yambaezi ku Jesu.

²⁹ Muzwale Stricker ni Kezeli Stricker, Ni lemuha kuli mwa ziba seo pina yeo italusa, kuli “li tisa,” takazo ye cisa i mwa pilu ya hao, kulika kutisa baba latehile ku Jesu. Mbututu wa hao yomunyinyani, haiba na ka shwa a sika neelwa kale, kamba zeñwi kaufela, u pilisizwe, nihakuli cwalo, kakuli Mali a Jesu Kreste a ezize sani fa Kalvari. Kono mwa kupuzo ya musipili wa Hae omutuna wa lifasi, fani ha Na beile mazoho a Hae ku babanyinyani mi ali, “Mu si ke mwa hanisa bana kutaha ku Na,” kona ze mu tiselize mbututu kakusasana cwana. Ni kubeya sepo ku luna, kuli lukone kulapela tapelo ya tumelo, ka yena yomunyinyani, mwa kuneela bupilo bwa hae ku Mulimu.

³⁰ Ki yena mañi libizo? [Ndatahe uli, “Marilyn Madge Stricker.”—Mu.] Marilyn Madge, Marilyn Madge Stricker. Una ni lilimo zekai? [Bomahe bali, “Likweli ze setini.”] Likweli ze setini. U pepezwi mwa Africa, kana ku cwalo? [“Eeni.”] Kihande, mwendi, haiba kuna ni kuba kamuso, yo kwateni abe mubuleli wa sibaka sani, mwa masimu kwa na pepezwi. Mi ki—ki mwana yomunyinyani yomunde. Kana wakona kutaha, Muzwale Neville?

³¹ Mi, Marilyn. Oh, mawi! Na kamita na lata banana baa. Kana ha ki mulikani yomunde nji? U ikutwa cwani? U ikutwa cwani? Halu inamiseñi lito ho za luna. Ni bata kuli wena, mu beye mazoho.

³² Ndata luna yakwa Lihalimu, lu tisa ku Wena Marilyn Madge Stricker, yena mwana ya lateha yomunde yoo ya na pepezwi kwa masimu a bulimiwa, ka nako yo ne i kolota ndwa ha butuku. Ni lapela kuli U fuyole mwana yoo. Mwa Bibebe, ne ba tisize ku Wena bana babanyinyani sina cwana. No ba beile mazoho a Hao ni ku ba fuyola, wali, “Mu tuhele bana ku taha ku Na, mi mu si ke mwa ba hanisa; kakuli Mubuso wa kwa Lihalimu ki wa baba swana sina sona.”

³³ Mahe ni ndatahe ba mu beya mwa mazoho a luna, kacenu. Luna, ka tumelo, lu pahama manela ya kanya, mwabuse, lu ba beya mwa mazoho a Hao, ka tumelo. Mu fuyole. Mu fe bupilo

bobutelele, Mulena. Mi habe mwan'a Mulimu. Mi ha Ku sebezele mwa bupilo bwa hae kaufela, siemba kaufela sa butu bwa hae, sibe mutanga wa Kreste. Lumeleza cwalo, Ndate. Fuyola ndatahe ni mahe, mizwale ba hae ba banyinyani ni likezeli. Ha ba hule, ni bona, ni kuba lubasi lolu kanya kwa sebezezo ya Mulimu.

³⁴ Ndate, lufa Marilyn Madge yomunyinyani ku Wena, ka Libizo la Jesu Kreste, kwa bupilo bwa sebezezo. A ku mufuyole, ni ndatahe, ni mahe, ni balatiwa ba hae. Mi ha bapile nako yetelele, bupilo bo bu tabile mwa sebezezo ya Hao. Ka Libizo la Jesu. Amen.

³⁵ Mulimu aku fuyole, Muzwale Stricker. Mulimu aku fuyole. Limbuyoti ku kalibe yomunyinyani.

Ni itumezi, Teddy, mushimani.

³⁶ Na lata bana babanyinyani. Mina bo?

³⁷ Ki ba bakai baba si ka utwa fateni pono ya na ni file Mulena? Halu boneñi mazoho amina mwahalimu, mina mu si ka i utwa fateni. Muzwale Neville, una ni buka nyana ya hao foo, mwendi, mwendi kihande u ba balele fela yona fa, ka muzuzu otatama kamba yemibeli. Na lumela cwalo . . . Ona fa, haiba u ka kona.

³⁸ [Muzwale Neville ubala mwa mutende wa la Yowa, 1961 waba *Full Gospel Men's Voice*—Mu.]

[Kakusasana omuñwi Ne ni lobezi fa mumbeta waka. Kona ha ne ni sa zo zuha fela mwa buloko, mi Na swala mazoho kwa mulaho wa toho yaka ni kuikatulusa fa musamo. Mi se Ni kala ku nahana mo ku ka bela kwa Neku leliñwi. Na lemuha kuli Ne se ni pilile kufitelela licika la bupilo bwaka haiba Nikona kupila kuba ya hulile sina sicaba sa hesu, mi Ne ni bata kuezeza Mulena zeñata Ni si ka siya kale bupilo boo.]

[Na utwa Linzwi lelili: “Kona u kalisa fela! Ikataze mwa ndwa! Zwelapili kuikataza!” Hane Ni lobezi fani ni nahana manzwi ao, Na nahana kuli Ni hupula fela kuli Ni utwile Linzwi. Hape Linzwi lali: “Ikataze mwa ndwa! Zwelapili kuya! Zwelapili kuya!” Ne ni sa lumeli, Na hupula kuli mwendi kina Ya bulezi manzwi ao. Na beya milomo yaka mwahala meeno aka ni kuswala lizoho laka fa mulomo waka ni kuteeleza. Linzwi la bulela hape: “Zwelapili fela kuikataza! Kambe wa ziba fela se si li kwa mafelelezo a nzila!” Na kala ku utwa lipina za kale ni manzwi a pina ye zibahala hande:]

[Ni na ni bulutu ni buinosi, mi Ni bata kubona Jesu,]

[Ni tabela kuutwa milangu ya kwa likamba yani,]

[Li ka monyeha mwa nzila yaka ni kuba ni kuzwisa sabo yaka kaufela;]

[Mulena, ni konise kutalimela kwabuse bwa lisila la nako.]

[Mi Linzwi la buza: “Kikuli utabela kubona fela kwabuse bwa lisila?” Na alaba: “Si ka ni tusa hahulu!”]

[Se ne siezahalile, Hanikoni kubulela. Kamba Ne nili mwa mubili kamba kwande, kamba neli mandingwe, Ha ni zibi, kono ne i shutana kwa lipono kaufela ze Ni kile naba ni zona. Ne ni bona sibaka fo Ni zwisizwe mi ne Ni ipona ni lobezi fafasi fani fa mumbeta waka. Se nili: “Ye ki nto yenca!”]

[Nekuna ni sicaba ka buñata batu bene ba taha ku to ni lumelisa, inge bahuwa kuli: “Oh, muzwale waluna yomunde!” Pili kwa taha likalibe, mwendi baba mwa lilimo ze mashumi amabeli cwalo, mi hane ba ni swala ne ba bulela kuli: “Muzwale waluna yomunde!” Mitangana, mwa kutiya kwa bunca bwa bona, ni meto inza benya sina linaledi mwa busihu bo bu lififi maswe, ni meno amasweu sina macwe abutokwa, ba ni kumbatela, inge bali, “Muzwale waluna yomunde.”]

[Mi se Ni lemuha kuli Nina, hape, ne ni bile mwanana hape. Na italima kwani ni kutalima kwa mulaho fa mubili waka o supezi unzo lobezi fa mumbeta ni mazoho asweli kwa mulaho wa toho. Na li: “Ha ni utwisisi se!”]

[Ha ni kala ku utwisisa sibaka ko ne Ni inzi kwani, Na kala kulemuha kuli nekusina maabani hape nekusina kamuso kwani. Hakuna ya na bonahala kukatala kwani. Sina buñata bwa basizana babande kwani bone Ni boni ne ba ni kambeka mazoho, Na lemuha kuli nekuna ni fela lilato lelituna lene ni li kwahela mi nekusina maikuto a mubili wa nama sina mwa batu mo kuinezi mikwa yani. Na lemuha basizana bani ne bana ni milili yemitelele kuyo fita mwa teka mi likoci zabona ne li fita ni kwa mahutu abona.]

[Kasamulaho wa se, Hope, musala ka wa pili, ani kumbatela, mi ali: “Muzwale waka yomunde!” Mi musizana yomuñwi ato ni kumbatela ni Hope a fetuha ni ku kumbatela musizana yani. Se nili: “Ha ni utwisisi se. Se ki sika sesi shutana kwa lilato la butu bwa luna. Hani lati kukutela kwa mubili wa kale wani fa mumbeta.”]

[Mi Linzwi la bulela kuna: “Se kona so kutalize kuli Moya o Kenile kona seuli sona! Le ki lilato le lipetehile. Hakuna se si kona kukena Kwanu kusina sona!”]

[Kuzwa fani Na isiwa fahalimu mi na inisiwa mwa sibaka se si lumbile. Baba ni potolohile neli linombolo zetuna za baana ni basali mwa kutiya kwa bunca. Ne basweli kuhuwa, katabo: “Oh, muzwale waluna yomunde, lu tabile

hahulu ku kubona kwanu!” Na hupula kuli: “Ha ni loli, kakuli Na ba bona batu baa mi Na bona mubili waka ulobezi fafasi fani fa mumbeta.”]

[Linzwi la bulela kuna: “Wa ziba kuñozwi mwa Bibeles kuli bapolofita ne ba kopani ni sicaba sa bona.” Se nili: “Eni Na hupula zeo mwa Mañolo, kono ha ki bana Branham babañata cwana.” Linzwi la bulela kuli: “Ba ha ki baha Branham. Ba ki botisize kwa bupilo, bona bo tisize ku Mulena. Basali babañwi bo nahana kuli ki banana hahulu ni kuli ki babande nebali mwa lilimo zefitelela nainte za kupepwa ha u ba tisa ku Mulena. Kona ha ba bulela kuli, ‘Muzwale waka yomunde!’” Mi buñata bwa huwa hamoho bwali: “Kambe no si ka ya ni Evangeli, ne lu si ke lwaba kwanu!”]

[Na buza: “Oh, ukai Jesu? Ni bata ku Mu bona!” Sicaba sa alaba kuli: “Yena ufa halimu nyana. Zazi leliñwi Uka taha ku wena. No lumilwe sina mueteleli, mi cwale Mulimu ha taha, Uka ku atula kuya ka tuto ya hao.” Na buza nali: “Kana Paulusi ni Pitrosi bana ni ku yo yema mwa katulo ye nibona?” Kalabo neli kuli: “Eeni!” Se nili, “Ni kutalize sene ba kutalize. Ne ni si ka fapuha ku Zona kuya kwa neku leliñwi kamba lisili. Foo ne ba kolobelize ka Libizo la Jesu, Ne ni kolobelize nina; fo ne ba lutile Kolobezo ka Moya o Kenile, Ni lutile nina. Kaufela sene ba lutile, Ni lutile, nina.”]

[“Lwa ziba cwalo,” sicaba sa bubela, “mi lu ziba kuli lu ka kutela mwa lifasi ni wena nako zeñwi. Jesu uka taha ku to ku atula kuya ka Linzwi lo lu kutalize. Mi u ka lu tisa ku Yena, mi kaufela hamoho lu ka kutela mwa lifasi ku yo pila kuyakuile.” Na buza: “Kana Ni lukela kukutela mwa lifasi, cwale?” Ba alaba kuli: “Ehe, kono tundamena ku ikataza!”]

[Ha Ni kala kuzwa kwa sibaka sesinde sani, sa tabo, kuya ka mo meto aka na bonela, sicaba ne si taha kuna ku to ni swala, inge si huwa kuli: “Muzwale waka yomunde!”]

[Ka nako iliñwi fela Na kutela fa mumbeta hape. Na li: “Oh, Mulimu, ni tuse! U si ke wa ni tuhelela ku keshebisa fa Linzwi. Tuhela kuli ni ine hande ni Linzwi. Hanina taba ka sa eza mutu yomuñwi, Mulena, tuhela kuli ni ikataze kuliba kwa sibaka sesinde snai sa tabo!”]

[Ni kolwa hande ni kufita mwa bupilo bwaka kuli si ka lwala lilato leli petehile ku yo kena mwa sibaka sani. Ne ku si na muna, ne ku si na mukatalo, ne ku si na matuku, kutokwa neba busupali, kutokwa neba lifu. Neli fela bunde ni tabo yeipitezi!]

[Kaufela so eza, beya kwatuko lika kaufela kufitela uba ni lilato le lipetehile! U fite fo ukona kulata mutu kaufela, mane ni sila kaufela. Hakuna taba kamba fulai ya zengana,

mamonyi a myamyate, kamba litobolo za sila li nongile ku wena, lika ze halina taba: mube ni lilato le li petehile!]

[Haiba ha u si ka piliswa, amuhela Jesu Krete kuba Mupulusi wa hao cwale! Haiba ha u si ka kolobezwa kale mwa mezi, aku kolobezwe cwale! Haiba ha u si ka amuhela Kolobezo mwa Moya o Kenile, aku i amuhele cwale! I tiise kuliba kwa lilato le lipetehile lani le li ka ku isa kwa sibaka sesinde sa tabo sani kwabuse bwa museto wa nako!]

³⁹ Ni itumezi, Muzwale, ka seo. Zeo ki. . . Ne ni hupula kuli, mwendi, babañwi ba mina mu ka ipalela yona. Mi haiba hamuna kabuka ka, kupalañi, mwakona ku fiwa.

⁴⁰ Mi cwale kwa, kwatasi a pampili, ubulezi hanyinyani ka bulumiwa fani. Ha ni zibi haiba mulemuhile cwalo kamba nee, ona kwatasi kwani, mu sa feza fela kubala. Kwatasi koo, ki manzwi nyana kwatasi. [Hakuna manzwi fa tepu—Mu.]

⁴¹ Cwale, yeo i ka beiwa mwa mishobo kaufela yeli mwatasa mahalimu, mwa bona, kuli—kuli ibalwe mwa lifasi kaufela.

⁴² Cwale, “Sikamañi—sikamañi. . .” kihande, mu li, “no ka bulelela sikamañi zeo, Muzwale Branham, u si ka lapelela kale bakuli?”

⁴³ Ki ka mukwa wa se: kuli lukone kuziba kuli kuikataza kwa luna ha ki kwa mbango. Mwabona? Lu swanela kuatumela Mulimu ka nzila yani ya lilato ni tumelo. Tumelo i luisa mwa sikuka. Lilato kona le li luisa mwateni. (Muni swalele.) [Hakuna manzwi fa tepu—Mu.]

⁴⁴ Cwale, kana munahana kuli Mulimu na ka. . . Cwale halu. . . Cwale, tumelo ya mina ibe fa sibaka cwale, kana mwa nahana cwalo. . . ? Ki sikamañi se mu ka nahana cwale haiba kuikataza kaufela ko. . . ona tabernakele ye ni likwata za batu ze kwanu libeile, mwa Mubuso wa Mulimu? Kuna ni babañata mo baba fanga lico bana ba mina, kwa Mubuso wa Mulimu. Kuna ni babañata mo baba pila kusina liapalo, kwa Mubuso wa Mulimu. Kuna ni babañata mo baba zamaisize limota mwa mbundu kusina makatulo kwa mahutu, fa kutaha kwa tabernakele kwanu, yeo ki niti, kwa Mubuso wa Mulimu.

⁴⁵ Kana mu ka nahana kuli muswanisi na ka swanisa siswaniso sesituna, sesinde, kufitela siba ka bukwala maswe, mi kipeto a si sinyake fela? Ku kona kuba se si fosahalile ni muswanisi yoo. Mukona kunahana kuli muopeli aka ñola pina yende, mi kipeto a sinyake fela lipina za—za hae? Ku kona kuba se si fosahalile ni muopeli yoo. Mwabona? Hakuna se si fosahalile ni Mulimu. Mulimu ha ezangi lika ze cwalo, ni ku li sinyaka fela ku li nepela kwahule. Ki Mubuso wa Hae. Ki kwa Kanya ya Hae.

⁴⁶ Mañi ni mañi wa luna lu bapala siemba mwa siswaniso se ni mwa pina ye. Lu liemba za Mubuso wa Mulimu. Mi seo, ki kuli lukone kubapala liemba zaluna, haibile fela lu zia fo lu tomilwe

ka mayemo, lu ba sibaka se, mi ni kuina ona mwa sibaka sani. Mi sibaka silisiñwi se lusin, ki mwa lilato, kakuli seo kona se si kwaniseleza siswaniso hande.

⁴⁷ Cwale, kutata ha mubona lipono ze ka mukwa woo, ni lika zeñwi, ku utwisisa se—se sili Kwabuse bobuñwi. Ni lakaza kuli kambe Na ziba. Muuna ya na beile kaemba nyana ka fani, ka ka bulela kuli bapolofita ba kale bani, mo ne ba bonelanga lipono, ni zeñwi cwalo, ni kuli, kacenu, kufitelela foo nihaiba. . . Halukoni ku li utwisisa, kono Mulena u lu lumelelize kukena ku zona ni kubona kuli seo lili sona.

⁴⁸ Cwale, balikani, Ne ni si ka lobala. Mi Na, ki mwahala mina ni Na, ni keleke ye, Ne ni si yo mwa pono. Na ziba seo pono ili sona. Zeñwi mo, sunda yefelile fela, zeñwi, neli zeñata kufitelela linako ze mashumi amalalu, mwa busihu bulibuñwi, halikona kuezahala. Mwakona ku nahana buima bo buli ku wena. Bu kueza kuikutwa kuikalelwa, eeni sha.

⁴⁹ Kucwani hane u ka ya kwa mukopano ona cwalo, ni kuba fela ni musebezi, haiba mukopano no zamaya hande kamba nee, no li ku wena, kiwo—kiwo musebezi wateni? U na ni kualaba mukutazi kaufela, puzo kaufela, taba ifi kaufela. Mukopano u ezahale kamba nee, kaufela ki musebezi wa hao, unosi. Mutalime seo mo si kona kubela ku wena.

⁵⁰ Mi kuna ni babañwi ba balikani baka, baba lekisanga fela libuka, ni zeñwi cwalo, ibanga kuikalelwa luli, bana ni kuya kwa malapa, mwabona, ku yo lobala, habana kutaha kwa keleke busihu boo. Mawi! Oh, kinto yemaswe fela. Inge mukwenyana ka wa musali, musizana yomunde ya latwa wa Mukreste, Loyce. Kuya—kuya fela mwa mukopano, ona cwalo fela. . . Ka lisunda ze eiti, kamba lisunda ze sebene, ka tundamo ona cwalo, na lobezi fela mwa mumbeta zazi lililiñwi kamba amabeli, mwabona, kusina musebezi omuñwi. Mwabona? Billy, kufa fela makadi a litapelo a likani, mi na katezi fela kuboteha.

⁵¹ Kono, mwabona, bukiti kaufela bu fahalimwa ka. Ni na ni kuitinga ku mina ku ni lapelela kwateni. Mwabona? Kwanda seo, ba bulela kuli—kuli mizuzu ye mashumi amabeli ya—ya kudukutaza, mwatasa susumezo, i likana ni lihola ze eiti za kubeleka ka tata, kwa neku la mubili. Ni kutazanga lihola zepeli kuisa ku zetalu busihu; fokuñwi ki halalu ka zazi. Mwabona?

⁵² Mi cwale kucwani ka pono iliñwi? Pono iliñwi ne ezize Mulena luna Jesu ku fokola. Yeo ki niti. Bibelesu ibulezi kuli musali na sweli sapalo sa Hae, a Mu fokolisa. Kihande, haiba pono iliñwi ika Mu fokolisa, Yena, hanili ki Mwana Mulimu; kucwani he ku na, muezalibi ya pilisizwe ka sishemo, ki sikamañi se si ka ezahala kuna ka mashumi amalalu a zona mwa busihu bulibuñwi? Mwabona? Ki. . . Kambe ne luka tuhela fela ni ku nahana kuli, li fitelela mutu kaufela. Mubili wa butu haukoni ku yemela zeo. Ne ni kaba mwa sibaka sa lipulumuki

kokuñwi, inge ni nataka toho kwa mamota. Mwabona? Ki—ki mukatalo obutuna kuli mane haukoni. . . Ki mukatalo wa mwahali, mwabona, kona o ku bulaya.

⁵³ Cwale, ki sikamañi so kona kueza he? Na kona kubulela se. Ni bona Muzwale ni Kezeli Cox, fani, Rodney ni musala hae, ni kezeli, fa, kuzwa kwa mulaho kwani, balumeli babanca. Kuna ni Lifasi, kwabuse fela kwani, kuli haiba ukona kunahana zateni mwa minahano ni ku ba ni pono ya Yona, Kinto yende hakalo kalo. I likana lika kamukana ni kuikataza ko luba ni kona. Mwabona?

⁵⁴ Cwale, lu si ka lapelela kale bakuli, Ni kona kubulela cwana:

⁵⁵ Kucwani haiba mbututu, a si ka pepwa kale, ha lu ngeni seo, mbututu yomunyinyani ya pilile mwa mba ya mahe, ka likweli ze naini ze, mi kambe mbututu yani na ka nahana? Na ka bulela kuli, “Kana mwa ziba? Ba ni bulelela kuli Ni libelezi kupepwa. Kihande, ki sikamañi se Ni ka yo eza fande fani? Hakuna ze ni ziba kwanda ona sibaka se mo Ni pila moo. Ni fumana mata aka mwahali. Mi cwale Ni ka yo pila cwani fande fani? Ba ni bulelela kuli kuna ni lizazi le li benya fani. Ba ni bulelela kuli sicaba si zamaya kwa ni kwa. Mi hakuna se Ni ziba kwanda sibaka se fela mwahali moo. Seo kona se Ni ziba kihona, ona mwahali mo mwa—mwa mba ya boma. Mo kona mo Ni hulezi. Ona mo kona mo Ni ziba feela, ona mwa mba moo. Mi ba ni bulelela kuli ku na ni sibaka se si tuna fahalimwa sibaka!”

⁵⁶ Kihande, mbututu yani ukona kusaba mane kubata kushwa, ku pepwa. Kana ku cwalo? Na ka saba hahulu, kakuli u taha mwa sibaka sa sina za ziba, mane ki sesinde luli, ki linako zeñata ka kualulwa ka bo lule-lule, ni mwa na pilanga. Ha koni kuziba zateni kaufela, na ka li, “Kucwani, ki sikamañi se Ni ka eza?” Na ka saba maswe, ka za kupepwa, kono luna baba pila fa, kihande, luna bene bali mwani nako yeñwi, halukoni kutabela kukutela mwateni hape, ha lukoni kutabela kuktela mwa mba ya boma hape. Mwabona? Batili, ha lukoni kutabela kueza cwalo.

⁵⁷ Mi kona fela mo kuinezi ona cwalo ni ha lu shwa, mulikani. O Mulimu! Mwabona? U pepwa mwa Sibaka. Mo si ka ba Teni kale. Ha ukoni ku Si utwisisa, mo Si bezi sesinde. “Kana—kana ku kaba cwani kwande Kwani? Ni. . .” Mi nto inosi fela ye ni lemusa, kamba ye ku lemusa, kona ona muswalelo nyana wani wa Bupilo, inge moya haukona kutaha ku mbututu mwa mba ya maa yona. Mwabona? Kona fela nzila ye lukona ku utwisisa ka yona ka za Naha yetuna yani kwabuse kwani, ko kusina matuku, ko kusina maswabi, ko kusina lifu, ko kusina kusupala, ko kusina sika. Oh, mawi!

⁵⁸ Kiñi, ha mu se mufitile Kwani, hamuna ku lata ku kuta kwa sibaka se si cwale ka se, hakuna neba mbututu ya tabela ku kutela mwa mba ya mahe. Mwabona? Kinto yetuna hahulu kwa Neku leliñwi, mwabona, kulo Kwani. Halukoni ku Li utwisisa,

kaniti kutokwa, halukoni. Kiñi, kuli mane mbututu yani ha koni kunahana zecwalo, ni luna kona mo lu sa koneli ku utwiseza mo ku ka yo bela Kwani, mwabona, kakuli lu mwa mba ya lifasi, lu itukiselize kupepwa nako yeñwi, kukena mwa Mubuso o munca, mwa Lifasi lelinca.

⁵⁹ Mi kona mo Ni ikutwela ka zona lipono zani ni lika zecwalo, kamba kuli ki sikamañi kaufela se ne si ezahalile kuna zazi lani ha Ni silela mwabuse, neli fela kwande kwani, ni kubona Sani mo ne siinezi, mi ni kukuta hape mo.

⁶⁰ Mu nahane fela kuba mbututu ni—ni kuba ni—ni zibo yecwalo, ka bunde mo ne ku kabela kuzamaya mwa sibaka sani, kubona likota inge litubula lipalisa, linyunywani inge liopela, lizazi inge li monyeha, ni bupilo bwa se, mi ni kuba fela mwa sibaka silisiñwi? Kiñi, ha ukoni kutabela kukutela mwani, neba hanyinyani.

⁶¹ Kihande, kanti, luna, ku—ku kunahana kwaluna kwa kona kuziyeleha, kwa neku leliñwi, kamba kulika kunahana ze li Kafani. Kanti, Mañolo ali, “Liito ha li si ka bona, zebe ha i si ka utwa kale, kamba nihaiba kukena mwa pilu ya mutu zeo Mulimu aba bulukezi, mwa libulukelo, ba ba Mu lata.” Mwabona? Kacwalo lu ziba kuli ki nto ye kanya kwa Neku leliñwi. Zazi leliñwi, lifu, se lu biza lifu, si ka lufa Kupepwa sinca, mi luka taha mwa Lifasi leliñwi, kwa Neku leliñwi.

⁶² Muzwale George, hauna kuba mucembele, wa sihole, kulo Kwani. Mi Muzwale ni Kezeli Spencer, ni babañwi baba cwale ka luna baba hulile, ni babañwi cwalo, mi lu ka yo ba banana kwani kuyakuile.

Ona yakale ye . . . sapalo sa kale sa nama se Ni
ka si siya, ni zuhe
Ni ku kumalela mushukwe wa kamita,
Ni kuhuwa, hanze ni fita mwa mbyumbyulu,
“Siyala foo, siyala foo, nako yende ya tapelo!”

⁶³ Kukabe kufelile, ka nako yeo. Hakuna kuba masihu amatelele a kulapela, hakuna kuba zeo. Ikaba ku kena fela mwani ka bwanana, ikaba siyemo sa tabo kubga Kwani, isiñi fela ka mwaha, kamba myaha ye mashumi aketalizoho, kamba myaha ye milioni, kono ni ha se lubile Kwani lilimo ze likana mianda ye bilioni, ikaba mane inge lwa li kuba lukalise. Kona cwalo. Konakuli kiñi halusike kutabela kakusasana cwana? Kiñi halusike ku nyakalala? Kiñi ha lu sa itusisi nto yetuna kaufela ya lufile Mulimu?

⁶⁴ Ki ye foliso ya Bumulimu. Kiñi Jesu za na shapezwi; ni ku pazula siswaniso, kuli, “Hakuna nto yecwalo ku yona”? Na shapilwe mwa mubili wa Hae kwani, makupo na bonahala ni fande, kuli, “Ka miupa ya Hae lwa foliswa.” Lu si ke lwa sinye siswaniso sani, kakusasana cwana. Ha lu Si amuheleñi, lu Si amuhele.

65 Cwale, muzwale, mi mañi ni mañi wa mina cwale ya ka lapelelwa, haiba mukona fela kuyema kwa katala. Liñusa ha ne lisweli ku utwahala, nako nyana yefitile, ka litoloko za malimi, kuli lu ka beya mazoho fa bakuli ni kubona misebezi yemituna ya Mulimu.

66 Cwale, muzwale waluna, ha ulukeli kuyena, muzwale, wena ya lobezi fa kambeta foo. Lu ka taha ku wena.

67 Kono haiba kuna ni babañwi mo baba bata ku lapelelwa, baba tabela kuyema kwa katala, foo muzwale ni Na halunze lu lapela ni kubeya mazoho fa bukuli, ha mutahe fela cwale. Mi muhupule, muswale siswaniso seo, “Ka miupa ya Hae lwa foliswa.”

68 “Ha ni li utwisisi, Mulena.” Luli, ha u li utwisisi. U sa li mwa mba ya lifasi nako yee.

69 Kono Na ezize litukiso zani. Mi Ha koni kung. . . Kiñi za Na shapezwi? Kupazula fela siswaniso, kamba kusinya fela pina, ni kuiyumba? Batili, sha. Na shapilwe, aholofala, ni kusulula mali, kuli lukone kufoliswa. Mi ka sani, luna, “Miupa ya hae, lu foliswe,” mañi ni mañi waluna. Cwale, hamunze mutaha cwalo, kukopanela kwa aletare ya litapelo.

70 Cwale, buñata bwa kuhasanya evangeli ka mukwa wa ma American, ni kubulela ka za kuli, “Una ni kueza *se*, kueza *sani*.”

71 Kuna ni nto iliñwi ye Ni bata kuba ya sepahala ni wena ka yona, mulikana ka. Taba yateni, ka mwa foliseza Mulimu, ki fa mayemo a sebelezo ku Yena. Mwabona? Ki fa mayemo a sebelezo ku Yena. Lu lukela kuamuhela foliso ya luna fa mayemo, a kuli, lu ka Mu sebeleza kasumulaho lufoliswa. Cwale, Bibeke iize, “Muipulele libi za mina, yomuñwi ku yomuñwi. Mu lapelelane, kuli mufole.” Mwabona? Ki fa mayemo, akuli mu ka sebeleza Mulimu. Buñata bwa mina mo, mwendi, mu mwa buino bwa kushwa, mi mu—mu lukela kushwa haiba sesiñwi ha si ezahali. Mi Ni bata kuli wena, mwa pilu ya hao. . .

72 Cwale, lwa kona ku ku toza ka oli, lwa kona ku ku lapelela, mulisana ni Na, lu ka lapela tapelo ya tumelo, kueza lika kaufela ze lukona, kono halina kuba bunde konji wena kasibili ukene mwa kutwano ni Krete. Mwabona? U lukela kutaha kwa kopano yani, kuli, “Na, Mulena. . .”

73 Ni bona mu—mu—mu musizana yomunyinyani ya zamaya foo cwale. Na tile kwanu, ha ki kale hahulu kwa ndu, ni sesiñwi inge sitombo sa kansa, kamba butuku bwa Pofu ni makilihani. Mi ki wa Methodist, ka tumelo. Ni lumela kuli yeo ki niti, nji cwani, kezeli? Mi nana nana ni sikoto sa pofu kwa makupo. Mi cwale ki yani ya yemi fani, ufolile.

74 Ni bona Kezeli Weaver ya yemi fa, neli alimuñwi wa bakuli ba bamaswe hahulu ba kansa yo Ni kile nabona fateni, mwa bupilo bwaka kaufela. Taba yapili yene Ni mu buzize, neli kuli

uka “kolobezwa ka Libizo la Jesu Kreste,” ni kuipulela libi za hae naa. Ha Ni mu nwelisa mwa mezi a kwanu, Ne ni mu sweli; neli yomusisani hahulu, mazoho a hae, neli amanyinyani fela. Mi ki ha kolobezwa ka Libizo la Jesu Kreste. Mi zeo mane se libile myaha ye lishumi kwa mulaho, nji cwani, kezeli? [Kezeli Weaver uli, “Batili. Seli myaha ye sikisitini kwa mulaho.”—Mu.] Myaha ye sikisitini kwa mulaho. Myaha ye sikisitini ya bupilo bo bu bukelelizwe, kakuli na itakalelize kutaha ka kuutwela. Kanti ma dokota luli babande bene baliteni. . .

⁷⁵ Kiñi, dokota wa hae kasibili na ni bulelezi. Fani, Ha ni mubulelela—ha ni mu bulelela, kuli, “U folile.”

⁷⁶ Ali, “Oh, oh! Uka shwa ka kansa, mwa lisunda nyana. Usike wa bilaela ka zeo. Uka timela. Lisunda nyana zeñwi, u ka timela.” Mi na sa mufile kale fela lizazi li liliñwi la kupila. Mi ki yo fa, kacenu, kasamulaho wa myaha ye sikisitini, uyemi fa katala. Ni kona kubulela sikamañi hape, kukuta kutela, ni kukuta kutela!

⁷⁷ Cwale, Mulimu haezangi fela zeo ku alimuñwi wa bana ba Hae, mi ba li ezezangi fela bana basili. U liezezanga bana ba Hae kaufela. “Ya lata kaufela a tahe.” Ki. . . Mu memilwe ku Yena. Cwale, “Tapelo ya tumelo i ka pilisa yakula.” Bibebe ibulezi ona cwalo.

⁷⁸ Cwale—cwale, haiba. . . se Ni bata kuli mueze, ki kuipulela lifoso za mina ku Mulimu, ni kubulela kuli, “Mulena, ni folise.” Haiba mwa li kuba mu bake, amufe lipilu zamina ku Kreste. Mi haiba wa li kuba u kolobezwe, mwa mezi, ka Libizo la Jesu Kreste, ku na ni siliba se si lukisizwe. Mwabona?

⁷⁹ Mi kalibe nyana yoo fabuse bwa mukwakwa kwanu; fani mutu ya na sa zibi za bulapeli yani ha na bakile kasona. Ha na lobezi. . . Ba mu luma kwa hae kuzwa kwa Silvercrest, ni TB, inge a shwa. Mi ha Ni ya kwani, mi Mulena a ni fa pono, mi ali, “U ka foliswa.”

⁸⁰ Mi ani katana kwani, habusa kakusasana, Bo. Andrews, mi a ni omanya fela hande. Ali, “Sepo ya buhata inge yecwalo, ku musali yani!”

⁸¹ Se nili, “Bo. Andrews, ha ki sepo ya buhata. Musali ki Mukreste. Mi ha sa kaba ni mata, uka to kolobezwa.”

⁸² Mi ki hali, “Wa shwa.” Ali, “Na. . . Ukona ku lukululwa cwani kuzwa kwa Silvercrest?”

⁸³ Na li, “Muñaka, usweli kotalima, uweli. . . So sweli kotalima, u talima za buleli dokota. Na ni talima ku sa bulezi Mulimu.” Mwabona?

⁸⁴ Cwale, ki shutano fela, ku so talima. Mwabona? Ha u talima ku sa bulezi dokota, u ka shwa luli. Kono uswanela kotalima ku za bulezi Mulimu. Uka lumela linzwi la mañi?

85 Kucwani kambe Abrahamama na ka nga mulelo wa dokota yena ka kuba wa myaha ye mwanda ya kupepwa, ni kuba ni mbututu ka musala hae, lilimo ze nainte? Kisikamañi sa na kaeza cwale? Mwabona? Kiñi, dokota na ka li, “Muuna yo wa takana.” Kono Mulimu amu balela kuli ki kuluka, kakuli na lumela ku Mulimu. Mwabona? Cwale, wena . . .

86 Mi musali a pila. Na hanile kukolobezwa, ka Libizo la Jesu Kreste, kakuli Ni nahana kuli nali wa mufuta waba Methodist kamba Presbyterian. Akala kuba yakula ni kukula. Mi ataha ato nga Grace Weber, ya na pilanga . . . kamba u sa pila ona kwani, mwana hae wa musizana u sa lipa kwani. Robe, ni kutaha kwanu, mi a kolobezwa ka Libizo la Jesu Kreste, ni fibebe, ni matuku a bikoto koto inge bi tundulukile fa maheta a hae ni zeñwi kaufela, ni kucisa mubili, ka handeleti ni foo mucisezo wateni. Mi a kolobezwa kwanu, ka Libizo la Jesu Kreste. Mi upila fela fabuse bwa mukwakwa kuzwa kwanu. Mwendu uteni mo cwale. Ne ni talima kwa ni kwa kubona haiba Na kona ku mubona, mwa mizuzu yefitile. Mwabona? Kuutwela, mwa bona.

87 Ha ki kuzamaya fela kwa ni kwa . . . Na fapananga ni mizwale babañwi, kubeya fela mazoho ku *yo, yani*, ni *yomuñwi*, sina cwalo, ni kubulela tumelo yeñwi ya mufuta cwalo yekona kusebeza. Ha ki cwalo. Mu lukela kuba ni tumelo ya niti, ye tiile, ya Bibebe, tumelo ya Moya o Kenile. Mwabona? Ha ki cwalo, haina kuina nako yetelele. Haikoni kuina nako yetelele.

88 Kona ha Ni kona kuitumela ku Mulena ku U ni tusize ku to fita fa. Fo—fo—fo li foliso ze ezahalile libile za niti, kakuli li tomilwe handende ku za kuli SA BULELA MULENA KISONA. Mwabona? Kabakaleo li ka yema kamita.

89 Cwale—cwale, sina sikolo nyana sa la Sunda, Ne ni libelela fa muzuzu fela, inge ni ambola ku mina, kufitela baba mwa libaka za bona, ka swanelo, kuli lu kutumane ka kukuza cwale. Luna ni fela mizuzu yelikani, lu ka lapela, lukale kulapela.

90 Cwale, Ni bata kuli mañi ni mañi wa mina abulele mafosisa a hae ku Mulimu, ni kusepisa Mulimu kuli u ka Mu sebeleza ni kuezwa kaufela zo kona. Mi mulisana ni Na lu ka lapela, ni ku to mi beya mazoho, mi muka lemuha hande kuli mu folisizwe haiba mulumela cwalo.

91 Kana batu bani fa milamu, ni boshushu, ni limumu, ni libofu, musihali wa la Sunda yefelile, ba taha fela kwa katala, ni ku yo yumba milamu ya bona; kutaha fela kwa katala, meto a kwaluha, mwa ziba, sina cwalo? Mianda anda yabona ka mianda! Kufitela, Ni ba ya fokozi hahulu, mane babata ku ni nanula ha ni zwa fa katala, inge ni yemi fela, bona inge bafita cwalo. Mwabona? Mulaini okona kuyo unya kwa sikolo sa Jeffersonville High School, mane, bali kuyema mwa mukoloko, ba taha cwalo mwa mulaini. Mi ha Ni zibi haiba kuna ni alimuñwi wabona, ya na fitile, kono kaufela bona ne ba folisizwe. Mwabona? Kakuli

nebatile ka mayemo a niti, tumelo ya Bukreste bwa niti mi ba lumela. Bona . . . Sina ni kuezahala.

Cwale luinamise litho zaluna, mutu ni mutu, mu ni tuse ku ba lapelela.

⁹² Mulena Jesu, lu ti sa ku Wena, kakusasana cwana, sicaba se si yemi fa, si libelezi, bakuli, baba imezwi, bana baba nyandile. Ba fitelezi sepo ifi kaufela, buñata bwa bona, Mulena, kalafo ya madokota, sihulu ya muuna ya lobezi fa yo fa kambeta. Ibe fela sishemo sa Hao kamba u ka zwa mwa lifasi mwa mazazi fela a likani. Mi hakuna ku kakanya, kwa kona kuba babañwi baba yemi kwa katala kwanu, ka butuku bwa pilu bo bu ba libelezi, ni makulano, ni matata a kona ku ba pazula fahali.

⁹³ Kuna ni fela nto iliñwi, Ndate, yekona ku ba pilisa, yeo ki, kuya kwabuse bwa maikuto a ketalizoho a mubili woo, koo madokota ba likile ka sepo kaufela, kusina kukakanya, kupilisa bupilo bwa bona; matuku, kansa, TB, butuku bwa pilu. Mi ka kulukisa kaufela, ni mipila, ni masila, ni—ni—ni milyani ya kuolwanisa maikulokuwawa, sila u sa kakatezi kub ona, kuli a byangule bupilo bwa bona.

⁹⁴ Mi Ni bonisize, Mulena, Ni lumela kuli, ki mulelo wa Hao, ku bona. Mi Ni utwile muuna yani ha bulela ka malimi kakusasana cwana, ni kufa toloko yani, se si ka ezahala kacenu. Babañwi ba bona ba ka li amuhela, Mulena, luli. Yeo ki niti. Na li lumela.

⁹⁵ Mi cwale, sina ha ku ñozwi mwa Bibebe, kuli Davida, mushimani yomunyinyani wa mulisana, Na sweli kutonela lingu za ndatahe, kwani mwa lihalaupa. Mi zazi leliñwi tau ya taha ku to nga iliñwi ya lingu za ndatahe, ni kumata ni yona. Mi mushimani yomunyinyani yani, ni tumelo, ki sikamañi sa na ilo lwanisa tau ye? Isiñi ka ndalamiti ya kacenu kamba tobolo. Kono nana ni kafwililo ka kanyinyani, mi a latelela tau yani. A bulaya tau yani, ni kupilisa ngu yani. Bere ya taha ni kutonga iliñwi; a latelela bere yani ye ne ka mu hatiekela mwa mubu. Kono na si ka nahana butuna bwa bere, kamba mata a tau, kamba lubilo lwa yona, kamba kutokwa mata kwa kafwililo ka hae.

⁹⁶ Kono ha na yemi fapila Saule mulena, ki hali, “Mutanga hao na sweli kulisa lingu za ndatahe, mi tau ya taha ku to pamula iliñwi, ni kumata. Mi Na i latelela ni ku byangula ngu na ikutisa.” Ki hali, “Yena Mulimu yaswana ya na ni pilisize kwa lizoho, kamba kwa manala a bere yani, kamba kwa mitahali ya tau yani, wakona hape kubeya Mufilisita ya si ka kena mwa mupato yoo mwa lizoho laka.”

⁹⁷ Mo lu zibela likande leo mo lizamaela, mane na i bulaile; abulaya muuna yanali yomutuna, tuna linako zeñata ku mufita, mi neli ndwa lume. Mo ne li komokiselize Saule, yena mulena yomutuna yani, yamata, muuna ya tiile, kuli mane mushimani yani abe ni tumelo yecwalo mwa kafwililo. Batili, isiñi mwa kafwililo, kono ku Mulimu.

⁹⁸ Cwale, Mulena, ka kuyema fa katala fa, ya lobezi fa kambeta ka, ki lingu za Mulimu, lingunyana, mo lukona ku libizeza, ku Yena. Li swelwi ki tau yebizwa kansa, bere yebizwa TB, matuku asili a ba sweli, ni ku ba nyunga nyunga, ni ku ba pazaula mwa liemba emba. Mulena, Na—Na ba taha mwa mulaho, ni kafwililo kakanyinyani kaka bizwa tapelo ya tumelo. Ha ki kakatuna luli, kono Na ziba ze ka kile kaeza. Mi Ni ziba kuli isali Mulimu ya swana. Na ba taha mwa mulaho, kakusasana cwana, ku li ni ba kutise, Mulena, kwa mafulisezo amande ana ni miluti ya mbuwa, kwa njetumuko ya kozo, ni kwahule ni kufilikana kwa bona, kuli ba Ku lumele.

⁹⁹ Mi Na ba mbatoka, ka silwaniso sona so file Wena sa kuya ni sona. “Tapelo ya tumelo ika pilisa ya kula, mi Mulimu uka mu zusa. Haiba u ezize sibi kaufela, si ka mu swalelwa.”

¹⁰⁰ Mi, Ndate, lu ya cwale ku yo katanyeza sila, ku yo katanyeza tau, ku yo kopana ni—ni diabulosi mwa mufuta kaufela wa li ku ona, yabizwa kansa, TB, Butuku bwa lubete ni pofu, butata bwa pilu, makulano afi kaufela. Lu taha ku to mu fumana, ni kutisa ngunyana ye kukutela kwa Ndu ya Mulimu hape. Ka Libizo la Jesu Krete lwa ya, ku yo itusisa kafwililo ka kona Ko lu file. Ba ni luna, Ndate, hanze lu atumela ku Wena cwale, ka Libizo la Jesu.

¹⁰¹ Ni bata kuli muinamise litho za mina ona cwalo. Mi lutaha ku to toza ka oli, ni kubeya mazoho fa bakuli, mi tapelo ya tumelo ika pilisa ya kula. Mukreste kaufela mwahali mo, beye tumelo ya hao kwa mukoloko wa tapelo wo.

[Mukoloko wa litapelo olikana mizuzu yemilalu ni licika, buñata bwa manzwi a Muzwale Branham a utwahali—Mu.]

Ka Libizo la Jesu Krete!

Ka Libizo la Jesu Krete!

Libizo la Jesu!

Libizo la Jesu Krete!

Libizo la Jesu!

Ndate, Ni kalimela diabulosi! . . . ? . . .

Ka Libizo la Jesu Krete!

Ka Libizo la Jesu Krete! . . . ? . . .

Ka Libizo la Jesu Krete!

Taha u lumele . . . ? . . . mi ku ka ezahala! . . . ? . . .

Mulena, Wena . . . ? . . .

Mulimu . . . ? . . .

¹⁰² Mulena, U . . . U ñozi kolo. U Muliululi, Krete! . . . ? . . . Ka Libizo la Jesu Krete!

¹⁰³ “Tapelo ya tumelo ika pilisa ya kula.” Ni bata kuli U mu ezeze zona. U mu kutiseze kuba musali ya iketile hande! . . . ? . . .

Libizo la Jesu Kreste, mu kutise!

Ka Libizo la Jesu Kreste, aku mu kutise! . . . ? . . .

Ka Libizo la Jesu Kreste, ni kutisa kezela ka.

Ka Libizo la Jesu Kreste, ni kutisa muzwale waka! . . . ? . . .

Ka Libizo la Jesu Kreste! . . . ? . . .

Ka Libizo la Jesu Kreste! . . . ? . . .

Ka Libizo la Jesu Kreste! . . . ? . . .

Wa li kuba. Mulena aku fuyole!

Ni taha mwa mulaho wa zona, kakusasana cwana! . . . ? . . .

¹⁰⁴ Ka Libizo la Jesu Kreste, Na ku kutisa, ka tapelo ya tumelo, kuzwa mwa tamo! . . . ? . . . Lu ekeza tumelo ya luna ku ba . . . ? . . .

Lumela fela;

Ka litho zaluna ze inami cwale. Cwale:

Lumela feela, lumela feela,

. . . lika za konahala, lumela fela.

O Mulena, Na lumela, O Mulena, Na lumela,

Lika kaufela za konahala . . .

Halu nanuleñi fela mazoho aluna cwale.

. . . Mulena, Na lumela;

O Mulena, Na lumela; Mulena, Na lumela,

Lika kaufela za konahala, Mulena, Na lumela.

¹⁰⁵ Ndata luna yakwa Lihalimu, babane ba kona kuyema, ba nanuzi mazoho abona, kuli ba i amuhezi. Muzwale yo yana lobezi fa kambeta, a nanuha, kubonisa kuli na amuhezi foliso ya hae. Lwa lumela, Mulena, ba sweli ku zamaya ka kozo cwale mwa mafulisezo a miluti, mwahala mezi a kuzize, kuli babe hande hape, ka Libizo la Jesu. Lwa Ku fa buitumelo ka zona. Amen.

¹⁰⁶ Ku lukile, Muzwale Neville, Ni ka ina fa mi ni teeze ha u kutaza cwale.

¹⁰⁷ [Kwa makalelo Muzwale Branham na bulezi ka za “manzwi nyana” ao Muzwale Thomas R. Nickel, yena Muñoli waba Full Gospel Men’s Voice, na beile fa pampili yapili ya mutende, manzwi abala sina cwana: “KA ZA SISWANISO SA FA LIKEPE LAFA PATA: Mwa Mazazi a Bibebe, nekuna ni baana ba Mulimu bene bali bapolifita ni baboni. Kono mwahala Matapa a Kenile kaufela, hakuna ni yomukana wa bona yana nani bulumiwa bo butuna kufita bwani bwa William Branham, mupolofita ni muboni wa Mulimu, yoo siswaniso sa hae si bonahala fapata a likepe lapili la mutende wo waba Full Gospel Men’s Voice. Branham u itusisizwe ki Mulimu, ka Libizo la Jesu, ku zusa bafu!”—Mu.]



KWABUSE BWA MUSETO WA NAKO LOZ61-0305
(Beyond The Curtain Of Time)

Liñusa le ka Muzwale William Marrion Branham, neli kutalizwe lwa pili mwa Sikuwa la Sunda kakusasana, Liatamanyi 5, 1961, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org